


化真陀羅經

百三十六
化十

48153



元祿九年丙子二月日重脩

皇國聖國 帝階銀呂

佛日增輝 轉谷輪常轉

山城州天安寺法金剛院置



佛說化真陀羅經卷中

後漢月支三藏支婁迦識譯

化

佛言其化真陀羅妓樂音聲如是用是音故
令人發菩薩心是者其德甚厚佛說化真陀
羅功德爾時其在會者衣祴上皆化自有華
皆起持是華散化真陀羅上則時化真陀羅
以右肩悉受華其華不墮地便持是華供養
散佛上其華於佛上便化作珍寶華蓋覆蔽
千佛刹其華蓋者一一處懸億百千珠寶其
一珠光明出億百光明一一明者有一蓮華
其色若干其香甚香其一一蓮華上有坐佛
如釋迦文皆言善哉善哉仁者化真陀羅所

化人甚多皆發阿耨多羅三耶三菩提心是
菩薩之所作已度界已界亦現過於生死復
見如故住於泥洹三界而行用一切人故化
真陀羅念諸坐佛欲持寶華蓋遍覆其上應
時坐三昧其三昧名嚴蓋則時諸坐佛上皆
有華蓋及諸菩薩比丘僧其會者各各有華
蓋已手持蓋拄諸菩薩比丘僧者皆持華蓋
供養上諸佛化真陀羅復念欲請佛及諸化
佛及菩薩比丘僧到香山自是其所居處欲
令宮室及諸天神一切說法時皆得安隱
令悉見供養佛可已爲本因是便可得福化
真陀羅便從坐起已頭面著地爲佛作禮白

佛唯怛薩阿竭及菩薩諸比丘僧到香山就其請處欲以飯食供養七日令一切人得增益功德佛即時默聲已受請故佉真陀羅則時歡喜便已所從中宮八萬四千人皆鼓琴作妓樂供養佛作禮而去還歸香山莊嚴宮舍縱廣三萬里令受佛及俱來者其地墻壁紺琉璃色天金分布其間無央數寶已雜廁其中悉具諸牀坐其足者名寶已天繒爲統縱爲佛作座而高二千三百里想持珍寶而嚴莊之周帀欄楯皆已衆寶皆懸繒幡蓋燒名殊香上有帳幔悉覆其上已天華散遍其地近佛座處而有四樹皆寶佉真陀羅自呼

官屬及中宮便言佛者難值譬若優曇鉢華
今已得之當好供養各棄諛諂嫉妬及貪其
亂者當正心當至心供事皆當具華名殊絕
好當已奉上名香及栴檀於香山而動之今
所當事是一切之尊所作妓樂調和其音當
令悲好其真陀羅所樂者當作是供人中之
人華蓋繒幡及天衣殊好軟者其色無數當
用是而奉上佛者難值其供事佛者後生天
上作四王釋梵其作是者便至此得其色端
正命則長壽所生甚尊便得自在其貌無事
所聞則得其供佛者便得此德若天上世間
常得安隱其欲得是身常得休息是皆供佛

所致其欲得辟支佛聲聞菩薩道爲作是者
便能降伏衆魔住真陀羅爲諸官屬中宮說
是受其教具諸華香調作百味之食便住香
山之南與諸妓樂俱皆令而作鼓諸琴瑟所
作已辦願及用時其音皆雅悅心一切欲令安
隱莫不歡喜其貌常淨笑對一切其尊無蓋
諸天阿須倫莫不供事唯願用時屈神到是
一揔持十種力其力常勝莫能當者降伏外
道利益一切其意已淨棄於衆垢唯願用時勞
於尊神_二其身不受一切之塵其功德不可
勝數其意甚尊無有極所生甚豪行步莫能
與及逮之者三道之惡已永無有所行無行

已悉捨行其有見者莫不歡喜_三其明過於
日月星辰及釋梵之明而不敢當其明過於
三界之上其明見者若生冥中見於燈火莫
不歡喜諸所有明皆悉爲蔽其明無所不明
諸天龍所有妓樂不從其樂而可得脫日益
垢濁其聞佛音莫不得脫其垢便除十方諸
醫不能除人之垢佛則是醫所語聞者心垢
則除便得安隱佛者實尊尊之尊莫能與等
者所語悉淨無有異諸所惡莫不爲伏唯願
用時勞於尊神本已布施而行今已住於布
施當以法而施與本已行淨戒自致得安隱
伏意而忍辱得成唯願用時勞於尊神住於

精進已禪旬而自娛樂其心意已住已智慧
光明而見心當而歡悅唯願用時勞屈尊神
其心慈哀等於一切已愛過諸限其功德過
於梵已佛故而得住唯願用時勞屈尊神則
時佛告諸比丘僧各令持鉢當就其請盡七
日及護寺者提無離菩薩自念欲作交露車
縱廣四百里其中悉有蓮華欲令佛及諸菩
薩比丘僧各各坐一一蓮華之上到香山則時
入三昧應時便有如所念白佛今有交露願
就之佛便坐蓮華之上其坐高四丈九尺諸
菩薩及比丘僧各各坐蓮華之上如所言所
以者何唯加哀我各坐已竟則時以右手自

以神足而擎舉之諸欲天子諸色天子見提
無離菩薩所作威神變化乃爾各以其伎樂
華香而供養隨到香山侏真陀羅遙見佛在
交露中坐來見已便令八萬四千真陀羅捷
陀羅皆持華香而敲琴瑟作其倡樂而趣前
迎佛便相將入宮到其處所佛就其座諸菩
薩比丘僧各各悉坐住真陀羅語釋梵四天
王今具已辦各各布之中宮一切各持飲食
而悉供養飲食已竟行澡水訖侏真陀羅以
机坐佛前聽佛說經

佛語提無離菩薩菩薩奉行檀波羅蜜凡有
三十二事清淨行之何謂三十二事一者善

菩薩布施欲求佛發心爲本二者菩薩布施當
離羅漢辟支佛道三者菩薩布施念欲度脫
十方人民四者菩薩布施與人心不悔五者
菩薩布施與人視之如佛六者菩薩布施與
人心無慳貪七者菩薩布施與人心不亂歡
喜與之八者菩薩布施與人手自斟酌九者
菩薩布施與人意廣不殆十者菩薩布施與
人不求欲有所生十一者菩薩布施與人不
從中有所希望十二者菩薩布施與人不有
所置隨佛經教十三者菩薩布施與人樂佛
經故十四者菩薩布施與人欲求佛道故十
五者菩薩布施與不自貢高十六者菩薩

布施與人欲勸勉教人故十七者菩薩布施
與人欲度脫人民十八者菩薩布施與人欲
持經法教人民十九者菩薩布施與人隨
佛教故二十者菩薩布施與人欲降伏魔官
屬故二十一者菩薩布施與人欲求成就得
佛故二十二者菩薩布施與人欲求爲人中
雄猛故二十三者菩薩布施與人欲閉塞餓
鬼道故二十四者菩薩布施與人欲使後世
習布施故二十五者菩薩布施與人後世欲
得豪貴富樂故二十六者菩薩布施與人世
世得菩薩道故二十七者菩薩布施與人常
欲與善師相隨故二十八者菩薩布施與人

欲使世世和顏向十方人故二十九者菩薩
布施與人欲成佛道之本故三十者菩薩布
施與人欲及成就菩薩故三十一者菩薩布
施與人欲得三十二相八十種好故三十二
者菩薩布施與人欲成境界莊嚴欲向佛入
諸經法故是為菩薩清淨布施三十二事菩
薩行檀波羅蜜如是菩薩清淨行尸波羅蜜
凡有三十二事何謂三十二一者菩薩身所
行常清淨是為持戒二者菩薩離慳貪瞋恚
愚癡口所言淫潔是為持戒三者菩薩心作
明慧不欺於佛是為持戒四者菩薩不墮外
道奉行十事是為持戒五者菩薩生天上世

間常不離佛道是爲持戒六者菩薩離羅漢
辟支佛心去調戲是爲持戒七者菩薩遠離
諛諂入佛智慧是爲持戒八者菩薩多學智
慧心爲第一是爲持戒九者菩薩極大慈哀
向於十方是爲持戒十者菩薩遍護十方人
悉具足是爲持戒十一者菩薩未嘗犯禁離
於慙愧是爲持戒十二者菩薩不毀缺所行
身常畏慎是爲持戒十三者菩薩不中道犯
行違戾本心是爲持戒十四者菩薩自守不
犯衆惡是爲持戒十五者菩薩隨明人之教
度脫惡道是爲持戒十六者菩薩持戒生天
之本是爲持戒十七者菩薩悉欲具足隨佛

智慧是爲持戒十八者菩薩常堅持戒不犯佛
教是爲持戒十九者菩薩不自負高輕侮他心
常自制止是爲持戒二十者菩薩能自制制佛
不隨愛欲是爲持戒二十一者菩薩持戒不失
得佛諸經是爲持戒二十二者菩薩持戒有
信勸助樂不欺是爲持戒二十三菩薩不
犯慳貪是爲持戒二十四者菩薩持戒堅住
隨法教化是爲持戒二十五者菩薩棄捐財
富常欲作沙門是爲持戒二十六者菩薩習
教於空閑之處樂於經法是爲持戒二十七
者菩薩不貪飲食衣被欲入道故是爲持戒
二十八者菩薩斷截諸惡成諸功德是爲持

戒二十九者菩薩暴露專精遠離姓族守功
行德是爲持戒三十者菩薩入深法行無所
附著是爲持戒三十一者菩薩隨次第法行
十二因緣是爲持戒三十二者菩薩不隨諸
外道遠離四顛倒是爲持戒是爲菩薩清淨
持戒三十二事菩薩行尸波羅蜜如是

菩薩清淨行羈提波羅蜜凡有三十二事何
謂三十二事一者菩薩不貪身是爲忍辱二
者菩薩不惜壽命是爲忍辱三者菩薩不持
瞋恚意向人是爲忍辱四者菩薩人有罵詈
毀辱悉受是爲忍辱五者菩薩若見疲病羸
劣當哀傷之是爲忍辱六者菩薩不輕易無

教之人是爲忍辱七者菩薩雖自豪尊爲人所易是爲忍辱八者菩薩爲人所剝割不瞋不怨是爲忍辱九者菩薩無瞋恚恨意於人是爲忍辱十者菩薩爲人所敗令就小道心不佻轉是爲忍辱十一者菩薩樂信佛道其心不懈是爲忍辱十二者菩薩心不動亂清淨而住是爲忍辱十三者菩薩未常持瞋恚向人是爲忍辱十四者菩薩護他人令不得起是爲忍辱十五者菩薩常以柔輒之心向人是爲忍辱十六者菩薩常持慈哀之心向人是爲忍辱十七者菩薩不恃自貢高之心向人是爲忍辱十八者菩薩爲十方天下

人下屈是為忍辱十九者菩薩不持忿行向
人是為忍辱二十者菩薩自守無所犯負是
為忍辱二十一者菩薩常自制心令意不起
是為忍辱二十二者菩薩自有過失能自悔
責是為忍辱二十三者菩薩不持他人長短
是為忍辱二十四者菩薩常樂念佛道是為
忍辱二十五者菩薩常樂解於經法是為忍
辱二十六者菩薩常愛樂十方人民是為忍
辱二十七者菩薩常欲施與十方人民是為
忍辱二十八者菩薩常持和心向人是為忍
辱二十九者菩薩常喜勞來於人是為忍辱
三十者菩薩常隨經法不中斷絕是為忍辱

三十一者菩薩聞有三活不恐不怖是為忍辱三十二者菩薩無所從生樂喜智慧是為忍辱是為菩薩清淨忍辱三十二事菩薩行羸提波羅蜜如是

菩薩清淨行精進波羅蜜凡有三十二事何謂三十二事一者不斷佛道是為精進二者不斷經法是為精進三者不斷比丘僧是為精進四者度不可計人是為精進五者受不可復計死生心不怠是為精進六者當供養無央數佛無厭極是為精進七者當作不可復計功德是為精進八者當學不可復計經卷是為精進九者悉當教十方天下人是為

精進十者成就十方天下人皆使得佛道是
爲精進十一者當爲十方天下人給所當得
悉當從與之是爲精進十二者自身所有好
物持施與人是爲精進十三者諸禁戒悉當
護持是爲精進十四者忍辱之力悉當軟弱
是爲精進十五者諸禪三昧悉當具足是爲
精進十六者諸智慧悉令具足是爲精進十
七者諸佛境界所行功德自莊嚴作佛時境
界是爲精進十八者欲求極大力是爲精進
十九者悉降諸魔及官屬是爲精進二十者
持佛經法悉降伏餘外道是爲精進二十一
者十種力四無所畏諸佛經法悉欲得具足

是爲精進二十二者莊嚴身口心是爲精進二十三
三者未嘗懈怠休倦是爲精進二十四者所
作爲事悉當究竟是爲精進二十五者心常
當猛健是爲精進二十六者悉棄捐諸愛欲
是爲精進二十七者諸未度者悉當度之諸
未聞經者悉當使聞之諸未般涅槃者皆當
令得般涅槃是爲精進二十八者一相者
輒有百福功德悉當具足是爲精進二十九
者諸佛經法悉當護之是爲精進三十者不
可復計諸佛境界我悉當知是爲精進三十
一者卅卅常當見無央數佛是爲精進三十
二者遠離從精進出生遠離身心無形亦無

所住亦無所出亦無所入亦無所生是爲所
無生樂住是爲菩薩清淨行精進波羅蜜如
是菩薩清淨行禪波羅蜜凡有三十二事何
謂三十二事一者所念無所犯是爲淨二者
所持不缺是爲淨三者所分別不忘是爲淨
四者去離調戲是爲淨五者自守知足是爲
淨六者心不邪念是爲淨七者勸人作功德
持用索佛是爲淨八者不犯六事是爲淨九
者適無所著是爲淨十者自觀內外是爲淨
十一者悉具五旬是爲淨十二者心常柔軟
是爲淨十三者不著於身是爲淨十四者內
行定是爲淨十五者向入佛道是爲淨十六

者遠離於惡人是爲淨十七者智慧明所入
是爲淨十八者悉入所因功德是爲淨十九
者悉念經法本樂是爲淨二十者隨次第入
行是爲淨二十一者智慧恩不轉是爲淨二
十二者漚和拘舍羅所成就是爲淨二十三
者悉欲具足佛事是爲淨二十四者悉哀苦
人是爲淨二十五者不與羅漢辟支佛從事
是爲淨二十六者稍稍樂入深智慧具足是
爲淨二十七者所作功德不歇是爲淨二十
八者一切人本無有人信是事是爲淨二十
九者悉得佛三昧不亂是爲淨三十者悉入
十方天下人所念事悉見是爲淨三十一者

悉知十方天下人身事是為淨三十二者譬如醫王悉愈人病菩薩持經法悉愈十方天下人生死者病是為淨菩薩行禪波羅蜜清淨如是菩薩行般若波羅蜜凡有三十二事一者欲得佛諸經法無厭是為高明二者隨次念諸經法是為高明三者智慧解點是為高明四者所因法不滅智慧是為高明五者入點守解五陰是為高明六者以點慧承經法解於本端是為高明七者阿伊檀拘舍持羅智慧解是為高明八者十二因緣拘舍羅稍學知是為高明九者四諦拘舍羅悉知是滅是為高明十者稍稍入慧拘舍羅制不隨泥洹

是為高明十一者內觀皆悉曉知是為高明
十二者故受化生死悉當曉知是為高明十
三者經法無所從生悉當曉知是為高明十
四者一切人本端無形本自淨隨世間習俗
而大度十方人是為高明十五者一切法為
一法耳本端者泥洹也是為高明十六者一
切境界為一境界耳何以故本自空故是為
高明十七者一切佛為一佛耳何以故經法
所入不可計故是為高明十八者一切事不
悉見說何以故各各有字拘舍羅悉當知是
為高明十九者無所罣礙獲智慧不可計十
方天下人來問悉能報是為高明二十者悉

得諸經法未嘗有忘用得陀隣尸故是爲高
明二十一者悉覺諸魔事覺者當即遠離是
爲高明二十二者一切法如幻譬如人假著
龍軀須臾脫去一切無所復有如是是爲高
明二十三三者如夢中所見及水中影深山音
響一切法皆如是是爲高明二十四者一切
法皆空本無從來故是爲高明二十五者
十方天下人心所念智慧悉至悉知其本是
爲高明二十六者持漚想拘舍羅威神之力
入涅槃後復來出現生死是爲高明二十七
者無空無願無想一切法隨教悉見度脫是
爲高明二十八者本端定不定無所見一切

法悉了其本何故一切法無所持無所著是
爲高明二十九者悉得明無有癡冥悉得智
慧光炎爲十方天下人說經法悉度脫是爲
高明三十者一切生死本無所從來去亦無
所至悉曉知隨習俗而入爲十方人說法更
死更生示現如是是爲高明三十一者四事
不護智慧悉至邊皆悉知是爲高明三十二
者爲十方人說經法從次第隨人所喜樂爲
說之當自制心自護智慧悉具足成就諸佛
悉遙見是高才爲菩薩持佛威神爲衆擁護
是般若波羅蜜三十二事清淨如是
菩薩溫想拘舍羅所行有三十二事何謂三

十二事一者教十方天下人自護身二者福
多者亦不於中住福少者亦不於中住三者
教十方天下人民索菩薩道者當教不索菩
薩道者不教悉視如師無異四者常欲多珍
寶財物施與衆人五者常樂求羅耶多教於
人六者示現母人身欲多教母人七者示現
年少教化小兒八者示現若干種人用哀世
間人故九者世間有狂亂者亦現狂身安隱
度之十者若有亂心煩惱隨其煩惱爲說經
道十一者隨十方人所喜持法往度之十二
者持禁戒百歲若干歲若有人所欲喜捨戒
法教度之十三者隨人所好喜被服諸音伎

樂持施與之人得莫不歡喜因持經法往教
之十四者頭陀沙門各異志行隨其法行往
教之十五者尼捷波和及餘外道隨其種類
而入教之引著佛道中十六者於諸婬女中
示現端正化婬女人獨尊悉教諸婬女人令
不婬及復化作男子稍稍內佛道中十七者
若大會作諸音樂時觀者聽音樂之聲一切
人大歡喜持諸音樂聲說經法其有聞者莫
不得度十八者世間工師妓道化人悉入其
中教化令為佛道十九者示現般遮旬世間
有貧窮羸劣者指示地中伏藏財物施與貧
窮人竟為說經法皆令發意二十者世間有

死喪號哭愁毒者亦復化現威神亦復愁毒
化教愁毒人令爲經道二十一者世間亡財
物菩薩化示伏藏財物教令爲道二十二者若
有侯王若有傍臣若有迦羅越黨有無子愁
毒者便化入腹中作子子各爲父母家室說
經令得度脫二十三者於賈人中最尊貴中
道資糧乏絕便現威神給與伴人漿水飲食
令飽滿以爲說經道二十四者若有人墮地
生盲若百人若干人若萬人亦復持威神現
盲人悉復給視與衣被飲食所當得悉使盲
人得眼視莫不歡喜如是稍稍爲說經法皆
使發意求佛道二十五者於大城中若有見

囚徒拘係牢獄亦復化現作囚徒亦復各各
在其中持威神之力悉使繫者洗沐衣被飲
食悉爲說經皆令發意索佛二十六者若有
死罪將詣城外諸菩薩便持威神之力隨其
人數以化人補其處將人持去其人得脫大歡
大喜便飲食令飽與衣被爲說經道其人樂皆
發意求佛道二十七者若有鬪變諍訟若諍錢
財若諍田宅菩薩於中央兩分和解若有不
足則持錢財義爲和解給足與却後爲說經
道令發意索佛道二十八者漚惹拘舍羅菩
薩常端正示現於人作醜惡二十九者現身
作可憐沙門教人轉復作白衣行教人三十

者菩薩行溫耆拘舍羅遠離在外餘道隨其
被服言語於其衆中誹謗佛誹謗法誹謗比丘
僧稍稍持經法教化引著佛道中三十一
者稍稍教人般泣洹亦復隨之般泣洹即復
化出異方現三十二者行溫耆拘舍羅菩薩
自在所喜而化現若化出作羅漢若復化出
作辟支佛若復現作菩薩若復化現作佛是
爲溫耆拘舍羅三十二事清淨如是說般若
波羅蜜時住真陀羅及眷屬及諸天龍閻叉
捷陀羅九万三千人悉發阿耨多羅三藐三
菩提心與佛俱來者八千菩薩悉得無所從
生法樂忍住真陀羅王得明慧三昧聞佛所

說歡喜踊躍則以天繒貢上佛於是間不能
平其價數則住真陀羅宮室八千人以千葉
華蓋以貢上佛佛以威神令華蓋悉在虛空
置佛頭上合爲一華蓋縱廣四千里住真陀
羅子及諸夫人見是威神變化悉發阿耨多
羅三藐三菩提皆對佛唯怛薩阿竭教照吾
等令成阿耨多羅三藐三菩提是作言時佛
則離地百四十丈坐於虛空從身放光明照三
千大千之刹土住真陀羅摩休勒諸所有眷屬
有諸欲天子諸色天子所有倡伎樂不鼓而自
鳴於香華之山諸華果樹悉作琴聲其音甚
好佛舉身毛一一毛皆放光明有蓮華一一蓮

華有菩薩坐皆有三十二相用佛威神故諸伎
樂聲但聞說經皆作難經之音如人所疑諸
蓮華上坐菩薩皆發遣難經之問波諸狐疑
諸音而作聲云何發菩薩心行而不忘自致
坐於佛樹一菩薩報言其心歡於一切便有
無極大慈以是之故不忘二菩薩其音復作
問其意云何所因云何已無極大慈而生三
菩薩報言其意不諂所因如慧無極大慈者
致於泥洹四其音復問所施與云何已與云
何從而不懈所作云何不求生有所生云何
作菩薩願五菩薩報言所有物而不愛惜既
與便無有悔意常念菩薩道故不求有所生

處六其音復問所作淨戒云何於戒而不自
貢高云何教失戒者何從自致至摩訶衍七
菩薩報言其有善心便有淨戒一切法空故
不貢高作無極大慈悲故能教失戒者八其
音復問若有罵詈搥捶欲殺者當云何有忍
辱其意云何不起而有悅九菩薩報言當念
我作佛時為一切人作醫王其病者我當愈
之以是故能忍辱具有罵詈搥捶欲殺者其意
不起而有悅十其音復問精進云何而有究
云何不怠成菩薩行十一菩薩報言精進者用
法故欲護一切故而有究曉了空事故不殆
二十諸音復問其意當云何而令備足其心如

深入云何於禪而自知每所希望三十菩薩言
其心不迷故能備足其心不諂故如深入用
漚起拘舍羅故能禪以是故每所希望四十諸
音復問云何得智慧所見而直行云何具法
業慧當云何而決疑五十菩薩報言喜學問者
增於智慧曉知十二因緣故能直行喜以法
施與破決諸疑曉知其本六十諸音復問云何
而多智能自致是以聞云何而教人而自致
得尊七十菩薩報言常謙損故多知所聞如作
乃能致是以法施每所希望故能至尊八十諸
音復問其慈者而云何乃至每極之大哀云
何具護等云何得至梵天九十菩薩報言具等

心是則慈不厭極是則護因是其心歡喜悅
故能至梵天十二諸音復問云何菩薩能見佛
見已云何而歡喜云何聞法而不疑二十菩
薩報言其心常念佛故能致得見聞法其心
而淨潔故能無疑二十諸音復問云何功德
而可集云何其惠而可合云何向觀而可知
如是之事云何求二十菩薩報言於功德無
厭足是故集學問無有厭故能致其慧其心
不乱無所念是故為向觀四十諸音復問穢
者云何其處云何其行云何所緣二十菩薩
報言穢者空無所有其處者彼羅蜜四禪是
其行所緣度一切六諸音復問何謂魔事何謂

佛事云何所作至菩薩二十菩薩報言無有膽

而性弱是故為魔事隨摩訶衍心是故佛事

悉捨眾惡故致菩薩二十諸音復問云何當親

近於迦羅蜜漢言善友云何離於惡師云何而等住

云何而捨二十菩薩報言其教導菩薩道是則

為迦羅蜜令離菩薩心是則為惡師所作而

自知是故為等住捨外道諸邪是則為正三

諸音復問云何可護諸法云何可教一切人

云何為漚愁拘舍羅令成菩薩道三十菩薩報

言精進故能護法漚愁拘舍羅故能教人隨

人有無若道若俗而為開導故成至菩薩道

三諸音復問云何所作而用慧云何是魔事

云何而謹勅不失時^{三十三}菩薩報言所作今無
罪是故慧所作而非法是為魔事常隨其教
是則為勅常有謙損為人之所敬^{四十三}諸音復
問其道者云何非道者云何造人令入道^{五十三}
菩薩報言六波羅蜜是故道其急者是聲聞
辟支佛事是故非菩薩道曉了般若波羅蜜
漚愁拘舍羅故能造人令入道^{六十三}諸音復問
何謂為利云何是鎮云何能令勤苦人而令
得歡喜^{七十三}菩薩報言其得者七覺意其法者
是則利其鎮者是則陀隣尼所教已法無飢
渴是則為歡喜^{八十三}其音復問何所是菩薩父
母何所是親屬何所是眷屬何所而有好^{十三}

九菩薩報言慧則爲母法則爲父三十七品是
其親屬其功德是則爲眷屬十四故能於一切
而有好四諸音復問何從可知無我何從可
知慈而念一切無我與慈云何等令如稱二
菩薩報言曉了空事乃知無我是則爲大慈
知一切人皆空故三四一切生死無有生死法
令然其知是者亦復生死四其諦者亦無有往
無有還者亦無有住其作是者便能至道五
空無有想無有願已去求則爲一相已知者
曉了五陰空故而有想無有想故無願一相
而無央數六事五陰則空已知觀故五陰亦
知觀一切人悉空亦不有亦不無七智慧則

爲護空漚愁拘舍羅護一切人已無極大慈
而教人已故可至泥洹八平諸音復問無有生
故無所有一切諸法如是九平何所生知微妙
而生死十五菩薩報言無所生故無所有是故
慧之滅用漚愁拘舍羅微妙故有生死生死
平諸音復問何謂而得決何謂不復還云何
而得忍云何而無疑二平菩薩報言等住而得
決已入法身不復還已得無所從生法樂忍
便無疑三平諸音復問何謂佛樹何謂菩薩相
何緣佛爲名佛何謂名爲怛薩阿竭四平菩薩
報言樹者普若天無所不覆習諸法是菩薩
相是故名曰佛已智故於心無所希望其身

亦爾故名怛薩阿竭

五十五

佛說化真陀羅經卷中

化

衣

下古得反

蓋柄

下彼反

統

上舒阮反下音延

攔

下時忍反

帳幔

下莫半反

其

非

倡樂

上音

潦

下音早

机

上居矣反

酌

上音

針

正音

殆

下零反

輕侮

下音武

羸提

上初反

剝

上必反

勞

去聲

假

著

軀

著知略反

身

上音

五

陰

去聲

色

煩

下俱反

心

上音

搵

上陟瓜反

委

下之

煩

下俱反

賈

上音

捶

上陟瓜反

鞭

打也

煩

下俱反

